

წინამდებარე ხელშეკრულება დაიდო 2017 წლის 15 მაისს, ერთი მხრივ სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში „შემსყიდველი“) წარმოდგენილი მისი გენერალური დირექტორის ნიკოლოზ ანთიძის სახით და მეორეს მხრივ, ააიპ „ხვამლის აშქარი“ (შემდგომში „მიმწოდებელი“) წარმოდგენილი მისი ხელმძღვანელის დავით სულხანიშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე.

შემსყიდველმა ჩაატარა ერთეობრივი ელექტრონული ტენდერი (სატენდერო განცხადების ნომერი NAT170003637) ხვამლის მთის არქეოლოგიური მომსახურების შესყიდვაზე (CPV კოდი 71351914), რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება შეასრულოს ზემოაღნიშნული სამუშაო შემდეგ თანხაზე: 21'182.00 (ოცდაერთი ათას ასოთხმოცდაორი) ლარი ყველა გადასახადის ჩათვლით დღგ-ს გარეშე (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებითი და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი

2.1 შესყიდვის ობიექტია ხვამლის მთის არქეოლოგიური მომსახურება, რომელიც განისაზღვრება ტექნიკური დავალების შესაბამისად, შესყიდვის ობიექტის ტექნიკური დავალება, სამუშაოთა ჩატარების ორგანიზების პროექტი, მათი ჩატარების კალენდარული გეგმა-გრაფიკი და ხარჯთაღრიცხვა თან ერთვის ხელშეკრულებას და წარმოადგენს მის განუყოფელ ნაწილს (იხ. დანართები).

3. ხელშეკრულების შესრულების კონტროლი

- 3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება.
- 3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „საქართველოს კულტურული მემკვიდრეობის დაცვის ეროვნული სააგენტოს“ თანამშრომლები: კონსტანტინე ფიცხელაური, გიორგი ხაბურზანია.

4. მომსახურების გაწევის პირობები და ვადები

- 4.1 წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს არქეოლოგიური კვლევის ჩატარების შედეგები ტექნიკური დავალების შესაბამისად.
- 4.2 არქეოლოგიური მომსახურების შესრულების ადგილია - ხვამლის მთის ტერიტორია.
- 4.3 შესრულებულ სამუშაოთა ანგარიშის ჩაბარების საბოლოო ვადაა ხელშეკრულების გაფორმებიდან არაუგვიანეს 2017 წლის 30 ნოემბრისა.

5. შესყიდვის ობიექტის მიღება-ჩაბარების წესი

- 5.1. მიმწოდებელი ატყობინებს შემსყიდველს მომსახურების დასრულების შესახებ.
- 5.2. გაწეული მომსახურების მიღება განხორციელდება მომსახურების გაწევის შემდეგ, მხარეთა მიერ შედგენილი მიღება-ჩაბარების აქტის საფუძველზე (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 3.5 მუხლში მითითებული პირები).
- 5.3. შემსყიდველი ამოწმებს მიმწოდებლის მიერ გაწეული მომსახურების სრულყოფილებას, მიმწოდებლის მიერ შესაბამისი დოკუმენტების წარმოდგენის დღიდან 10 (ათი) დღის ვადაში.
- 5.4. არქეოლოგიური მომსახურების დასრულების შემდგომ ხელშეკრულების 3.5 მუხლში აღნიშნული პირების მიერ შემოწმების შედეგად შედგება შესაბამისი დასკვნა და მიღება-ჩაბარების აქტი.

- 5.5. თუ გაწეული მომსახურება არ შეესაბამება წინამდებარე ხელშეკრულების პირობებს, შემსყიდველი დადგენილი წესის შესაბამისად მიმწოდებელთან ერთად ან მის გარეშე ადგენს აქტს.
- 5.6. მიმწოდებელი ვალდებულია წუნის (დეფექტების) აღმოჩენის შესახებ შესაბამისი აქტის გაფორმებიდან 10 (ათი) დღის ვადაში აღმოფხვრას ინსპექტირების შედეგად აღმოჩენილი დეფექტები.
- 5.7. თუ შემსყიდველმა გაწეული მომსახურება შეაფასა წუნით, დასრულებულად ჩაითვლება მომსახურება დეფექტების აღმოფხვრის შემდეგ.
- 5.8. შესყიდვის ობიექტის მიღება განხორციელდება მხარეთა მიერ შედგენილი მიღება-ჩაბარების აქტ(ებ)ის საფუძველზე (შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 3.5 მუხლში მითითებული პირები).
- 5.9. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება

- 6.1 ანგარიშსწორება მოხდება ლარებში.
- 6.2 გადახდის ფორმა – უნაღდო.
- 6.3 ანგარიშსწორება მოხდება მიღება-ჩაბარების აქტის და ინსპექტირების დადებითი დასკვნის გაფორმებისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან 30 (ოცდაათი) კალენდარული დღის ვადაში.
- 6.4. წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე საავანსო საბანკო გარანტია (არაუმეტეს სახელშეკრულებო ღირებულების 30 %-სა), რომლის მოქმედების ვადა 60 (სამოცი) დღით უნდა აღემატებოდეს ხელშეკრულებით გათვალისწინებული ობიექტის მიწოდების ვადას. საავანსო თანხის გადახდა მოხდება შესაბამისი საბანკო გარანტიის წარმოდგენის დღიდან არაუგვიანეს 10 (ათი) სამუშაო დღის ვადაში.

7. ფასები

- 7.1 მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.
- 7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
- 7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. მხარეთა უფლება-მოვალეობანი

- 8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 8.2 შემსყიდველი ვალდებულია:
- 8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 8.2.2. ხელშეკრულებით გათვალისწინებული მომსახურების გაწევისას აცნობოს მიმწოდებელს ყველა განსაკუთრებული გარემოებების წარმოშობის შესახებ;
- 8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება.
- 8.3. შემსყიდველს უფლება აქვს:
- 8.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;
- 8.3.2. განახორციელოს კონტროლი შესაბამისი დოკუმენტაციის შედგენისას;
- 8.3.3. მიიღოს მიმწოდებლისგან სათანადო წესით გაფორმებული დოკუმენტაცია.
- 8.3.4. საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება, თუ მიმწოდებლის მიერ წარმოდგენილი საკვალიფიკაციო მონაცემები ყალბი აღმოჩნდება;
- 8.4. მიმწოდებელი ვალდებულია:
- 8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 8.4.2. მიმწოდებელი ვალდებულია ხელშეკრულების გაფორმებისთანავე, არქეოლოგიური სამუშაოების დაწყებამდე გადაიხადოს სანებართვო მოსაკრებელი არქეოლოგიური სამუშაოების ნებართვის მისაღებად 50 (ორმოცდაათი) ლარის ოდენობით, არქეოლოგიური სამუშაოების პროექტთან ერთად და აიღოს შესაბამისი ნებართვა ხელშეკრულების გაფორმებიდან 3 (სამი) სამუშაო დღის განმავლობაში, წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
- 8.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;
- 8.4.4. დოკუმენტაციაზე რაიმე შენიშვნების აღმოჩენის შემთხვევაში შეტყობინების მიღებისთანავე აღმოფხვრას იგი, შემსყიდველის მხრიდან რაიმე დამატებითი დანახარჯების გაწევის გარეშე;
- 8.5 დოკუმენტაცია წარადგინოს ტექნიკური დავალებით განსაზღვრულ ფორმატში.
- 8.6. მიმწოდებელს უფლება აქვს:

8.6.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად გაწეული მომსახურების ღირებულების ანაზღაურება.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და წინამდებარე ხელშეკრულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. ხელშეკრულების პირობების შეუსრულებლობა

11.1. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

11.2 ხელშეკრულების არაჯეროვნად შესრულებისას ინსპექტირების ჯგუფის მიერ წუნის (დეფექტების) აღმოჩენის შემთხვევაში საჯარიმო სანქციების ათვლა მოხდება შესაბამისი აქტის გაფორმების თარიღიდან.

11.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება.

11.4 საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.

12. ხელშეკრულების შეწყვეტა მისი პირობების შეუსრულებლობის გამო

12.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 კალენდარულ დღეს.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. შეტყობინება

16.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გადასახადები და დაბეგვრა

17.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

18. ხელშეკრულების მოქმედების ვადა

18.1 წინამდებარე ხელშეკრულება ძალაშია მხარეთა მიერ ხელშეკრულების ხელის მოწერის დღიდან, 2018 წლის 31 იანვრის ჩათვლით.

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

20. მხარეთა რეკვიზიტები:

შემსყიდველი

სსიპ „საქართველოს კულტურული მემკვიდრეობის დაცვის ეროვნული სააგენტო“

მის: ქ. თბილისი, თაბუკაშვილის #5

სახელმწიფო ხაზინა

კოდი: TRESGE22

ა/ა # GE24NB0330100200165022

ს/კოდი: 204562311

გენერალური დირექტორი

ნიკოლოზ ანთიძე



მიმწოდებელი

აიპ „ხვამლის ამქარი“

მის: ქ. თბილისი,

ივ. ჯავახიშვილის ქ. N21

ს.ს. „საქართველოს ბანკი“

კოდი: BAGAGE22

ა/ა # GE56BG0000000599216980

ს/კოდი: 404401270

ხელმძღვანელი

დავით სულხანიშვილი



ტექნიკური დავალება

❖ ზოგადი სახელმძღვანელო პრინციპები

საქართველოს ტერიტორიაზე არსებული კულტურული ფასეულობების მოვლა-პატრონობა და მათი შენარჩუნება უმნიშვნელოვანესი ფაქტორია სახელმწიფოს განვითარების პროცესში. ჩასატარებელი სამუშაოებით მოხდება საქართველოს კულტურული მემკვიდრეობის ნიმუშების რეაბილიტაციისათვის საჭირო ღონისძიებების განხორციელება.

❖ ძირითადი პირობები

მიმწოდებელი შემსყიდველთან შეთანხმებული სამუშაოების გრაფიკის შესაბამისად, წარუდგენს მას ინფორმაციას, წერილობითი ანგარიშის სახით, გათვალისწინებული სამუშაოების მიმდინარეობის შესახებ. იგი ვალდებულია, გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

სამუშაოების შესრულების გრაფიკი განსაზღვრავს სამუშაოთა მიმდინარეობას და შემსყიდველისათვის ეტაპობრივად წარდგენის გეგმას.

შესრულებული სამუშაოების ანგარიში შემსყიდველს წარუდგინება ელექტრონული ვერსიის – კომპაქტური CD დისკის (1 ეგზემპლარი) და მყარი ასლების სახით (2 ეგზემპლარი).

მიმწოდებელს ვალდებულია, არქეოლოგიური სამუშაოების დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;
- ჩასატარებელი სამუშაოს სახეობა;

❖ ძეგლის მოკლე აღწერა

ხვამლი, იგივე ხომლი – კირქველი მასივია ლენხუშში. ცაგერისა და წყალტუბოს მუნიციპალიტეტების ტერიტორიაზე. ვახუშტი ბატონიშვილის გადმოცემით, ხვამლის კლდეში “არს ქვაბი გამოკვეთილი, მტრისაგან შეუვალი, მეფეთა საგანძურთ ხადები”. ინფორმაციას გვაწვდის ჟამთააღმწერელიც, რომელიც გადმოგვცემს, რომ 1263-64 წლებში ნარინ და ულუ დაუთმოა“განეყვს სამეფო და საჭურჭლენი; გარნა ხუამლისა ქუაბსა რომელი იდგა, მცირე გამოიღეს და გაიყვეს, და უფროსი ქუაბსავე დაუტყვეს”.

ხვამლის ქვაბების შესწავლის პირველი ცდა იყო 1939 წელს ქართველი აღბინისტის აღ. ჯაფარიძის ასვლა, რომელსაც 1945 წელს მოჰყვა აღბინისტურ-არქეოლოგიური ექსპედიცია (მონაწილეობდნენ არქეოლოგი გლომთათიძე, მწერალი ლ. გოთუა და სხვები), რომლის შედეგების მიხედვით გაირკვა, რომ კარსტული წარმოშობის გამოქვაბულში ოთხი ხართული იყო გამოართული, სადაც მრავალხენაკიანი, ქვითკირ-აგურით ამოყვანილი ნაგებობები დაფიქსირდა. აღმოჩენილი კერამიკის მიხედვით ძეგლი განვითარებული შუასაუკუნეებით დათარიღდა. მძიმე პირობების გამო ექსპედიციამ მუშაობა მალევე შეწყვიტა.

ხვამლის შესწავლა 1990-იან წლებში გააგრძელა არქეოლოგიური კვლევის ცენტრის ექსპედიციამ, რომელსაც გურამ გაბიაშვილი ხელმძღვანელობდა და რომელიც ძირითადად არქეოლოგიური დაზვერვებით შემოიფარგლებოდა. ამ პერიოდში ხვამლის მიმდებარე ტერიტორიაზე დაფიქსირდა არაერთი ძეგლი (პალეოლითური სადგომები, გვიანბრინჯაო-ადრერკინის ხანის ნამოსახლარები და მეტალურგიული სახელოსნოები, ანტიკური ხანის ნამოსახლარები და სამაროვნები, შუასაუკუნეების ნამოსახლარები და საფორტიფიკაციო ნაგებობები).

2007-2010 დაიწყო ხვამლისა და მიმდებარე ტერიტორიის არქეოლოგიური შესწავლა, რომლის მიმდინარეობისას გაითხარა ხვამლის მთის წვერზე მდებარე წმიდა გიორგის ეკლესიის გაღავნის მცირე მონაკვეთი და მისი კარიბჭე (რომელსაც საინტერესო და უნიკალური კონსტრუქცია აქვს და არქაულად გამოიყურება); გვიანბრინჯაო-ადრერკინის ხანის მეტალურგთ ნასახლარი და სახელოსნო სოფ.

დღნორისასთან (კორვაში); გონას ანტიკური ხანის სამაროვანი და ნამოსახლარი; დაიხვერა ხვამლის მთის გარშემო მდებარე საფორტიფიკაციო ნაგებობები, რომელთა ქვედა ფენები არქაული ჩანს.

2013 წელს მოეწყო მოკლევადიანი ექსპედიცია დ. სულხანიშვილის ხელმძღვანელობით. გაითხარა გონის სამაროვნის უკიდურეს დასავლეთ ნაწილში 2 სამარხი (მასალა გამოქვეყნებულია) ექსპედიციამ დახვერა ხვამლის პლატო და "ნამქშევი გორა", საიდანაც საკმაოდ საინტერესო არტეფაქტები ჩამოიტანა (ქვ. პალეოლითური ხელკუდი და სხვა).

2015 წელს გაითხარა ორი მოზრდილი უბანი (ექსპედიციის ხელმძღვანელი დ. სულხანიშვილი), რამაც მრავალი საინტერესო სიახლე გამოავლინა და ბევრის გამოჩენის საჭიროება და აუცილებლობაც დააყენა დღის წესრიგში.

გათხრები გაგრძელდა ასევე 2016 წელსაც. ექსპედიციამ ხვამლის მთის ზედა პლატოს ორ უბანზე ადგილ „მაველისყანასა“ და „წრიულ ნაგებობაზე“ იმუშავა. შედეგად დაფიქსირდა კლდეში ჩატრილი, ქვით ნაგები ოთკუთხა შენობის ნაშთი, რომლის იატაკი თხილთ არის მოტკეპნილი და მოსწორებული. ინტერიერში დაფიქსირდა ცეცხლის კვალი, კერამიკის ფრაგმენტები, ათასობით პემატიტის დამუშავებული (მძივების მსგავსი) და დაუმუშავებელი ქვები; ასევე წრიული ნაგებობა, მისი შემადგენელი კარიბჭითა და ურთხმელის ხის სარებით შედგენილი ღობით. გაწმენდის შემდეგ დაფიქსირდა დროშისი, დიდი ქვის ღოღი კარის ჩასასმელი ღარი, ბათქაშის ფრაგმენტები და პემატიტის ქვები. ძეგლი წინასწარულად წინაანტიკური ხანით თარიღდება.

ხვამლის არქეოლოგიური კვლევის მიზანია მეცნიერულად შესწავლილ იქნას ამ უნიკალური მთის პლატოსა და მის ფერდობებზე მდებარე ძეგლები, რომლებიც, მეცნიერთა აზრით, დაკავშირებული უნდა იყოს უმნიშვნელოვანეს საკითხებთან: უძველესი მეტალურგიული კერების არსებობასა და ქრისტიანობამდელ რწმენა-წარმოდგენებთან (ადგილობრივების და არა მხოლოდ მათი ტრადიციით ხვამლი ამინდის ღმერთის ელიას საბრძანისია); ხვამლის გამოქვაბულების დანიშნულების, მისი ქრონოლოგიისა და სტრატეგრაფიის გარკვევასთან.

❖ ხვამლის მთის ტერიტორიაზე უნდა ჩატარდეს შემდეგი არქეოლოგიური სამუშაოები:

პუშუხის მოხსნა ორ უბანზე (I. 20X15მ კვ/მ, II. 20X10 კვ/მ) სიღრმით 30 სმ

არქეოლოგიური შესწავლა-პრეპარაცია 20X15მ კვ/მ საშუალოს სიღრმით 0.5-1 მ

არქეოლოგიური შესწავლა-პრეპარაცია 20X10 კვ/მ საშუალოს სიღრმით 0.5-1 მ

განათხარი ფართობის ნაწილის რეკულტივაცია

მიწის გატანა 20 მეტრზე ხელით და ურიკით

❖ არქეოლოგიური გათხრების ჩატარების პირობები

- სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებლებს, რომელთა დაცვა სავალდებულოა კულტურული მემკვიდრეობის ძეგლის ფასეული ელემენტების შესანარჩუნებლად. მუშაობის პროცესში მიმწოდებული ვალდებულება, სამუშაოები შეასრულოს სავალდებულო არქეოლოგიური სამუშაოების მეთოდების სრული დაცვით;
- სამუშაოთა მიმდინარეობისას გამოვლენილი არქეოლოგიური ობიექტები და არქეოლოგიური მასალა მიმწოდებელმა სათანადოდ უნდა დაიცვას დაზიანებისგან, განადგურებისა და დაკარგვისგან, ასევე გარემო პირობებისა და სხვა არასასურველი ზემოქმედებისგან;
- თუ არქეოლოგიურ სამუშაოთა მიმდინარეობისას გამოვლინდა მაღალი მატერიალური ღირებულების მქონე ნივთი (ნივთები), ამასთანავე, მეთოდოლოგიური, კლიმატური, ტექნიკური ან სხვა პირობების გამო ვერ ხერხდება მისი (მათი) დაუყოვნებლივ ამოღება და უსაფრთხო ადგილას ტრანსპორტირება, მიმწოდებელი ვალდებულია, დაუყოვნებლივ მიმართოს შინაგან საქმეთა სამინისტროს შესაბამის ტერიტორიულ ორგანოს;
- მოძრავი არქეოლოგიური მონაპოვარი, უნდა ჩაბარდეს უახლოეს არქეოლოგიურ სახელმწიფო მუზეუმ-ნაკრძალში სათანადო თანხმდებ დოკუმენტაციასთან ერთად.
- არქეოლოგიური სამუშაოების მიმდინარეობისას, ახლადგამოვლენილი გარემოებ(ებ)ით გამოწვეული ცვლილებები შეთანხმებულ უნდა იქნეს შემსყიდველთან.

❖ *შემსყიდველისთვის გადასაცემი საბოლოო პროდუქცია*

წარმოდგენილი პირობებისა და ვადების ფარგლებში, მიმწოდებელმა საბოლოო პროდუქციის სახით შემსყიდველს უნდა გადასცეს არქეოლოგიური კვლევის ნატარების შედეგები, შემდეგი შემადგენლობით:

- შესწავლილი ტერიტორიისა და მასზე არსებული ობიექტების ფიქსაციის, მათ შორის ფოტო და ვიზუალური აღწერის მასალები;
- შესწავლილი ტერიტორიის (ობიექტის) ისტორიულ-ბიბლიოგრაფიული და საარქივო კვლევის მასალები, შესაბამისი წყაროების მითითებით. კერძოდ: სამუხუუმო და საარქივო მასალების (არსებობის შემთხვევაში – ისტორიული რუკები და გენერალური გეგმები, ისტორიული საკადასტრო და ნაგებობების გეგმები, არქივებში დაცული, ტერიტორიის ამსახველი ფოტომასალა, კოსმოსური და აეროფოტომასალები) მოძიება;
- შესწავლილ ტერიტორიაზე მოპოვებული პირველადი ინფორმაციის საარქივო მონაცემებთან მიმართების ანალიზი;
- შესწავლილი ტერიტორიის ადგილმდებარეობის სიტუაციური გეგმა (მასშტაბი 1:2000 და 1:500), GPS კოორდინატებით;
- საკვლევი ტერიტორიის კვადრატებად დაყოფის სქემა;
- არქეოლოგიური კვლევისას გამოვლენილი ძეგლების განლაგების სქემა და ანაზომი;
- არქეოლოგის ხელმოწერით დადასტურებული შეურყევის განლაგების სქემა;
- კროკები;
- გამოხაზული ნახაზები (მასშტაბი 1:25, 1:20) ძირითადი პარამეტრების ზომების დატანით;
- ტექსტური აღწერილობა;
- არქეოლოგიური კვლევის შედეგების ანგარიში.
- გამოვლენილი ობიექტების (უძრავი/მოძრავი) შესახებ ინფორმაციის ატვირთვა საქართველოს კულტურული მემკვიდრეობის დაცვის ეროვნული სააგენტოს "კულტურული მემკვიდრეობის მონაცემთა მართვის გეოხაინფორმაციო სისტემაში" (ობიექტის ინფორმაციის შეტანა, ობიექტის შექმნა, რუკაზე განთავსება, ფოტოების ატვირთვა ანოტაციებით, გრაფიკული მონაცემების ატვირთვა, დოკუმენტაციის ატვირთვა). ინფორმაციის ატვირთვა ბაზაში უნდა მოხდეს კულტურული მემკვიდრეობის შესახებ საქართველოს კანონის მოთხოვნების მიხედვით შედგენილი სააღრიცხვო დოკუმენტაციის ველების შესაბამისად. იხ. თანდართული ფორმები
- მოძრავი არტეფაქტების შემთხვევაში ბაზაში ასატვირთი ობიექტები განისაზღვრება შემდეგნაირად:
 1. პროფილირებული არტეფაქტები
 2. ფრაგმენტები ან მათი ერთობლიობა, რომლებიც ექვემდებარებიან აღდგენა/რესტავრაციას
- არტეფაქტები, რომლებიც მნიშვნელოვან მეცნიერულ ღირებულებას ატარებენ (მაგ: ძეგლის დათარიღების განსაზღვრა, დამზადების ტექნოლოგიის დადგენა და ა.შ.).

❖ *სამუშაოთა შესრულების ვადები*

შესრულებულ სამუშაოთა ანგარიშის ნაბარების საბოლოო ვადაა არაუგვიანეს 2017 წლის 30 ნოემბრისა.



ხვამლის მთის არქეოლოგიური
კვლევა 2017 წელს

სამუშაოთა ჩატარების ორგანიზების პროექტი
და გეგმა-გრაფიკი

თბილისი 2017

ძეგლის მოკლე აღწერა

ხვამლის მთის პლატოზე, სიგრძე 10.5, სიგანე 7კმ, უმაღლესი წერტილი ზღვის დონიდან 2002მ. (თანამედროვე ადმინისტრაციული დაყოფით ცაგერის მუნიციპალიტეტი) არაერთი სრულიად შეუსწავლელი, სხვადასხვა პერიოდის-ქვ. პალეოლითი გვ. შუა საუკუნეები-არქეოლოგიური ობიექტი მდებარეობს.

ზღვის დონიდან 1942 მეტრ სიმაღლეზე G.P.S. 4230511-4242944 დგას წმინდა გიორგის სახელობის ეკლესია, რომლის მიმდებარედ ფუნქციურად და ქრონოლოგიურად განსხვავებული ნაგებობების ნაშთები შეინიშნება.

დღეს არსებული შენობა XIX საუკუნის ბოლო წლებშია აგებული, ძველი ნაგებობის ადგილზე 2007 წელს გურამ გაბიძაშვილის ხელმძღვანელობით გაიწმინდა გალავნის მცირე ფრაგმენტი და კარიბჭე, რამაც გააძეარა ვარაუდი კომპლექსის ქრისტიანობამდელ წარმოშობაზე. კარიბჭე და გალავნის მონაკვეთი გვ. ანტიკური ხანით დათარიღდა, თუმცა საფუძვლიანი შესწავლის შემდგომ არაა გამორიცხული უფრო ადრეული ფენების გამოვლენა.

ხვამლის პლატოსა და მის ფერდობებზე მდებარე არქეოლოგიური ობიექტების შესწავლა, რომლებიც, ჩვენი აზრით, დაკავშირებული უნდა იყოს უმნიშვნელოვანეს საკითხებთან-უძველესი მეტალურგიული კერების არსებობასა და ქრისტიანობამდელ რწმენა-წარმოდგენებთან, ხვამლის გამოქვაბულების დანიშნულების, მათი ქრონოლოგიისა და სტრატეგრაფიის, აღმოსავლური და დასავლური კულტურების ურთიერთობების გარკვევასთან.

ხვამლის მთაზე არქეოლოგიური გათხრები 2015 წელს პირველად ჩატარდა 2 უბანზე ხვამლის წმ. გიორგის ეკლესიის სამხრეთით, 60 მ-ის მოშორებით, გალავნის გარეთ (GPS კოორდინატები - 4230511, 4242944) და ადგილ "მაყვლისყანაში" გაითხარა ორი წრიული, ერთი ნახევარწრიული ნაგებობა და რამოდენიმე მღვიმე (GPS კოორდინატები - 4230338, 4243126).

ძეგლებზე გამოვლენილი მასალის დიდი ნაწილი მიეკუთვნება ძვ.წ I ათასწ. I ნახევარს. ასევე, რომაულ, ადრეშუასაუკუნეების და განვით. ფეოდალურ პერიოდებს. განსაკუთრებით აღსანიშნავია აღმოჩენილი "ორაკულის ქვა" რომელსაც კავკასიაში ანალოგი არ მოეძებნება.

2016 წელს არქეოლოგიური გათხრები გაგრძელდა კიდევ 2 უბანზე. პირველ რიგში დასრულდა ადგილ "მაყვლისყანაში" (GPS კოორდინატები - 4230339, 4243126) ობიექტი. სადაც აღმოჩნდა კაუის შუბისპირი. მეორე უბანზე ადგილ "ქვანყაროსთან" გაითხარა კომპლექსი წრიული ნაგებობით (GPS კოორდინატები - 4230336, 4243128) პარალელურად ჩატარდა დაზვერვითი

სამუშაოები, რომლის შედეგად გათხრილი ძეგლების გარდა, აღმოჩნდა ათამდე მსგავსი კომპლექსი. მოხდა სადაზვერვო თხრილის დადება, სადაც გამოვლენილი მასალა იმდენად საყურადღებოა, რომ დგება ხვამლზე არქეოლოგიური სამუშაოების შემდგომი გაგრძელების საკითხი, რათა მოხდეს საქართველოსა და ზოგადად კავკასიისათვის უნიკალური არქიტექტურული კომპლექსებისა და ჩვენს მიერ მოძიებული არტეფაქტების სისტემატიზაცია, მათი შედარება ახლო აღმოსავლეთისა და ხმელთაშუაზღვისპირეთის თანადროულ ძეგლებთან.

2017 წელს შეიძლება ჩატარდეს შემდეგი სამუშაოები:

1. დასრულდება 2016 წელს დაწყებული "ქვანყაროს" მიდებარე (GPS კოორდინატები - 4230339, 4243128) ობიექტის გათხრები. გასათხრელი ფართობი 200 კვმ.
2. დაიწყება გათხრები წინა დაზვერვების დროს გამოვლენილ ქვანყაროს მიმდებარედ განთავსებულ კომპლექსტაგან ერთ-ერთი არქეოლოგიურ ობიექტზე. (GPS კოორდინატები - 4230336, 4243128). გასათხრელი ფართობი 300 კვმ.


გარდა ძირითადი რაზმისა გვეყვოლება სადაზვერვო რაზმი, რომელიც შემოივლის ხვამლის გარშემო ქვედა პლატოს ადგილებს "ლაჯუნეიშას" (GPS კოორდინატები 4230379, 4245043), "ნამქშევ გორას" (GPS კოორდინატები 4229515, 4250340), წმინდა გიორგის ტბის (GPS კოორდინატები 4232236, 4240898), ოყურემის (GPS კოორდინატები - 4232235, 4240897), ოფიტარას (GPS კოორდინატები 4232456, 4240727), მიდამოებს, გაავლებს რამოდენიმე სადაზვერვო შურტს, მოაგროვებს ზედაპირულ არტეფაქტებს და გამოავლენს დღემდე უცნობ კულტურული მემკვიდრეობის ობიექტებს, გადაიღებს ფოტოებს, აღწერს მათ და დააფიქსირებს G.P.S. კოორდინატებს.

გათხრების მიმდინარეობისას შესრულდება ტექნიკური დავალებით გათვალისწინებული არქეოლოგიური სამუშაოებისათვის საჭირო ყველა პროცედურა (გასათხრელი ფართის დაკვადრატება, ჰუმუსის მოხსნა, გამოვლენილი ობიექტების გათხრა, ფოტოფიქსაცია, არქიტექტურული ანაზომების შედგენა, ჩახატვა, გათხრების დასრულების შემდგომ ტერიტორიის ნაწილის რეკულტივაცია, მოპოვებული მასალის კამერალური დამუშავება). სამუშაოები შესრულდება სავსელე არქეოლოგიური მეთოდების სრული დაცვით გამოვლენილი არქეოლოგიური მასალა სათანადოდ იქნება დაცული. მომზადდება სამეცნიერო და პოპულარული სტატიები პუბლიკაციებისათვის. მოპოვებული მასალა შესაბამისი დამუშავების შემდეგ გადაეცემა ცაგერის ისტორიულ მუზეუმს.

გასათხრელი ობიექტები:



გასათხრელი და დასაზვერი ობიექტების ფოტოები:
1. ხვამდი, ქვანყაროს მიდამოები





A handwritten signature in blue ink, consisting of stylized, flowing letters.




Handwritten signature or initials in blue ink.

2. დაჯუნგიშა




[Handwritten signature]

ნამქშევი გორა




[Handwritten signature]

ოყურეში



ოფიტარა



[Handwritten signature]

კალენდარული გეგმა-გრაფიკი

2017 წ.

სამუშაოების დასახელება	მაისი		ივნისი	ივლისი	აგვისტო	ნოემბერი
მოწვეული სპეციალისტების და მუშების შერჩევა, მათთან შრომითი ხელშეკრულების გაფორმება						
ხეამლის პლატოზე გასათხრელი ობიექტების დათვალიერება, სამუშაოების დაგეგმვა, ბანაკების მოწყობა და მოსამზადებელი სამუშაოები						
არქეოლოგიური გათხრები და დაზვერვები						
კამერალური სამუშაოები						
ანგარიშის ჩაბარება კულტურული მემკვიდრეობის სააგენტოში						



დ. სუდხანიშვიდი

ხეამლის მთის არქეოლოგია, ხარჯთაღრიცხვა

I. ფიზიკური სამუშაოები

№	სამუშაოების ჩამონათვალი	განზომ. ერთ	რაოდენ.	ერთ. ფასი ლარი	სულ ღირებულება ლარი
1	2	3	4	5	6
	არქეოლოგიური სამუშაოები				
1	ჰუმუსის მოხსნა ორ უბანზე (I. 20X10მ კვ/მ, II. 20X15კვ/მ) სიღრმით 30 სმ	კვ	150	5	750,0
2	გასათხრელი ფართობი 20X15მ კვ/მ საშუალოს სიღრმით 0.5-1 მ	კვ	250	30	7500,0
3	გასათხრელი ფართობი 20X10კვ/მ საშუალოს სიღრმით 0.5-1 მ	კვ	200	30	6000,0
4	განათხარი ფართობის ნაწილის რეკულტივაცია	კვ	150	3	450,0
5	მიწის გატანა 20 მეტრზე ხელით და ურიკით		500	3	1500,0
	ჯამი I				16200,0

II. კვლევითი სამუშაოები

	დასახელება	სულ ღირებულება, ლარი
1	შესწავლილი ტერიტორიისა და მასზე არსებული ობიექტების ფიქსაცია, მათ შორის ფოტო და ვიზუალური აღწერის მასალები	230,0
2	შესწავლილი ტერიტორიის (ობიექტის) ისტორიულ-ბიბლიოგრაფიული და საარქივო კვლევის მასალები, შესაბამისი წყაროების მითითებით. კერძოდ: სამუზეუმო და საარქივო მასალების (არსებობის შემთხვევაში - ისტორიული რუკები და გენერალური გეგმები, ისტორიული საკადასტრო და ნაგებობების გეგმები, არქივებში დაცული, ტერიტორიის ამხაველი ფოტომასალა, კოსმოსური და აეროფოტომასალები) მოძიება	200,0
3	შესწავლილ ტერიტორიაზე მოპოვებული პირველადი ინფორმაციის საარქივო მონაცემებთან მიმართების ანალიზი	150,0
4	შესწავლილი ტერიტორიის ადგილმდებარეობის სიტუაციური გეგმა (მასშტაბი 1:2000 და 1:500), GPS კოორდინატებით	200,0
5	საკვლევი ტერიტორიის კვადრატებად დაყოფის სქემა	100,0
6	არქეოლოგიური კვლევისას გამოვლენილი ძეგლების განლაგების სქემა და ანაზომი	150,0
7	არქეოლოგიის ხელმოწერით დადასტურებული შურფების განლაგების სქემა	150,0
8	კროკების შედგენა	150,0
9	გამოხაზული ნახაზები (მასშტაბი 1:25, 1:20) ძირითადი პარამეტრების ზომების დატანით	200,0
10	ტექსტური აღწერილობა	100,0
	ჯამი II	1630,0

სულ პირდაპირი ხარჯები (ჯამი I+ჯამი II)		17830,0
ზედნაღები ხარჯები არაუმეტეს 10%	10%	1783,0
ჯამი		19613,0
მოგება არაუმეტეს 8%	8%	1569,0
სულ		21182,0



დ.სულხანიშვილი

ქ. თბილისი

15 მაისი, 2017 წელი

ხელშეკრულების შესრულების კონტროლზე უფლებამოსილი წევრი „გამარტივებული ელექტრონული ტენდერის და ელექტრონული ტენდერის ჩატარების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-17 მუხლის შესაბამისად ვადასტურებ, რომ სსიპ „საქართველოს კულტურული მემკვიდრეობის დაცვის ეროვნული სააგენტო“-ს მიერ ხვამლის მთის არქეოლოგიური მომსახურების შესყიდვის პროცედურაში ხელშეკრულება #3/187 ტ 15.05.2017 წ. ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფები.

ჯგუფის წევრი:

გიორგი ხაბურზანია